

Morning Regional Dogri News Bulletin, 14th October 2024

मार्निंग डोगरी न्यूज़ बुलेटिन, समें. 09-20 Hrs

<><><><><><>

Headlines

- केन्द्र सरकार जम्मू कश्मीर च राष्ट्रपति शासन हटाई दित्ता ऐ। एहदे कन्नै हुन प्रदेश च नमीं सरकार दे गठन लेई बत्त पदरी होई गई ऐ।
- सरकारै डिवीजनल कमीशनर ते सब्बने डिप्टी कमीशनरें गी निर्देश दित्ता ऐ जे ओह प्रदेश दे सब्बने ऐतिहासक मंदरें दी जिमीं दी नशानदेही करियै उत्थें होए दे गैर कनूनी कब्जें गी हटाना जकीनी बनान।
- राष्ट्रपति द्रौपदी मुर्मू होरें भारत ते अल्जीरिया बश्कार गैहरे ते तेजिया कन्नै विस्तार करै करदे सियासी रिश्तें दे महत्वै पर लोह पाई ऐ।
- केन्द्री राज्य मंत्री डॉ. जितेन्द्र सिंह होरें नमीं दिल्ली च कल भारत दर्शन प्रोग्राम तैहत्त गेदे जम्मू कश्मीर दे बच्चें कन्नै गल्लबात कीती।

<><><><><><>

Prez Rule- J&K

केन्द्र नै जम्मू कश्मीर च राष्ट्रपति शासन हटाई दित्ता ऐ, जेहदे कन्नै केन्द्र शासत प्रदेश व नमीं सरकार दे गठन लेई बत्त-पदरी होई गई ऐ। केन्द्र सरकार इस सरबंघै च अधिसूचना जारी रिं दित्ती ऐ। नैशनल कांफ्रेंस दे उप-प्रधान उमर अब्दुल्ला होरें जम्मू कश्मीर च नमीं सरकार बनाने लेई दाचा पेश कीता ऐ। ध्यानजोग ऐ जे हाल च होए दे असेंबली चुनाएं दरान नैशनल कांफ्रेंस ते कांग्रेस गठबंधन नै सरकार बनाने लेई बहुमत हासल कीता ऐ। बतौर मुखमंत्रि एह उमर अब्दुल्ला हुंदा दूआ कार्यकाल होग। जम्मू कश्मीर थमां दफा 370 हटाए जाने ते इसी दऊं केन्द्र शासत प्रदेश च तक्सीम कीते जाने दे बाद इत्थें पैहली बारी लोकें आस्सेआ चुनी दी सरकार बनन जा करदी ऐ।

<><><><><><>

BJP Meet

भारतीय जनता पार्टी नै जम्मू कश्मीर बीजेपी विधायक दल दी बैठक आस्तै केन्द्री मंत्री प्रलहाद जोशी ते पार्टी दे राष्ट्रीय महासचिव तरुण चुग होरें गी केन्द्रीय निगरान नियुक्त कीता गेआ ऐ। तोआई बीजेपी दी जम्मू कश्मीर विधायक दल दी अज्ज त्रिकुटा नगर पार्टी मुख्यालय च बैठक लग्गा'रदी ऐ। पार्टी सूत्रें दा आखना ऐ जे पार्टी दे प्रदेश प्रधान रविन्द्र रैणा हुंदे आस्सेआ सद्दी गोदी एह अनोपचारिक बैठक पार्टी दे नमें चनोए दे विधायकें गी सम्मानत करने ते उंदी सीनियर लीडरें ते पार्टी दे बक्ख-बक्ख औहदेदारें कन्नै बाकफी कराने लेई लोआई जा'रदी ऐ। जानकारी मूजब जम्मू संभाग दे सब्बे 29 विधायक बैठका च शामिल होंगन ते विधायक दल दे नेता दे नांह दा ऐलान इस जां अगले हफते नमें केन्द्री निगरानें दी मजूदगी च लगने आली बैठक च कीता जाग।

<><><><><><>

Kejriwal Doda

आम आदमी पार्टी दे राष्ट्रीय कनवीनर ते दिल्ली दे साबका मुख्मन्त्री अरविंद केजरीवाल ते पंजाब दे मुख्मन्त्री भगवंत मान डोडा च पार्टी दी पैहली जित्त दा जश्न मनाने लेई कल उत्थें पुज्जे। जित्थुआं पार्टी दे मेदवार महाराज मलिक नै जित्त हासल कीती ऐ। इस मौके इक किट्ठे गी संबोधत करदे होई अरविंद केजरीवाल होरें उमर अब्दुल्ला सरकार गी समर्थन देने दा धेइया पक्का कीता ते आखेआ की जेकर उनेंगी जम्मू कश्मीर च सरकार चलाने च कोई बी परेशानी पेश औंदी ऐ तां ओह उंदी सलाह लेई सकदे न। उनें आखेआ जे दिल्ली आंगर जम्मू कश्मीर गी बी अददा राज्य बनाई दित्ता गोदा ऐ ते साढ़े इख्तोयार ते ताकतां उपराज्यपाल होरें गी सौंपी दित्तियां गेदियां न।

<><><><><><>

Temples JK

सरकारै जम्मू कश्मीर दे डिवीजनल कमीशनर ते सब्बने 20एं डिप्टी कमीशनरें गी निर्देश दित्ता ऐ जे ओह अपने सरबंधत इलाकें च मंदरें दिएं जमीनें दी नशानदेही दे कन्नो कन्नी उत्थें होए दे गैर कनूनी कब्जे गी हटाना बी जकीनी बनान। आकाशवाणी दे जम्मू संवाददाता मूजब प्रदेश दे सब्बने ऐतिहासक मंदरें दी ब्यौरेवार, स्थिति दी जानकारी गी सरकारी विभाग दी वैबसाइट पर उपलब्ध करोआया जाग। मुख्म सचिव होरें इक जनहित याचिका दी सुनवाई दरान हाईकमान दी डिवीजन बैच आस्सेआ जारी हुकमै दी पच्छोकड़े च जम्मू कश्मीर च मंदरें दी स्थिति गी नमें सिरेया ब्हाल करने बारे बक्ख-बक्ख धड़ें कन्नै हाल च गै बचार बमर्श कीता ऐ।

इस जनहित याचिका च अदालतै गी गुजारश कीती गई ही जे ओह प्रदेश दे प्राचीन मंदरें दी सुरक्षा, सांभ संभाल ते नमें सिरैया सजाने-संवारने दे कन्नो कन्नी मंदरे दी जमीनें पर गैर कनूनी कब्जे गी हटाने दे बी निर्देश जारी करन। मुख् सचिव होरें अदालती निर्देशें परैत इस सरबंधै च हिदायत जारी करी दित्तियां न।

<><><><><><>

USI SPF

अमरीका भारत रणनीतिक भागीदारी फोरम दी मेजबानी च सलाना इंडिया लीडरशिप, शिखर सम्मेलन अज्ज नमीं दिल्ली च आयोजित होग। एहदा मकसद दपक्खी बपार, आपूर्ति श्रृंखला, सैमीकंडक्टर निवेश, आर्टिफिशल इंटेलीजेंस ते अगली पीढ़ी दिएं तकनीकें च सैहयोग बधाना ऐ। क्वाड शिखर सम्मेलन ते संयुक्त राष्ट्र महासभा च संबोधन लेई प्रधानमंत्री नरेन्द्र मोदी हुंदी हाल दी अमरीकी यात्रा दे बाद एह सम्मेलन होआ करदा ऐ। इक ध्याड़े दे इस सम्मेलन दा मकसद रक्षा सरबंधें ते स्वच्छ ऊर्जा गी बढ़ावा देने दे कन्नो कन्नी स्वतंत्र ते मुक्त हिंद-प्रशांत खेत्तर जकीनी बनाना ऐ। फोरम दे प्रधान जॉन चैम्बर्स होरें आखेआ ऐ जे एह सदी भारत दी ऐ ते अमरीका दौनें मुख् दे सांझे समृद्ध भविक्ख लेई भारत कन्नै मिलियै कम्म करै करदा ऐ।

<><><><><><>

Prof. Mangotra

मन्ने परमन्ने दे लखारी ते डोगरी संस्था जम्मू दे प्रधान प्रो. ललित मगोत्रा होरें गी कल बड़ी मती प्रतिष्ठा आले कुंवर वियोगी साहित्य कला सम्मान 2024 कन्नै नवाजेआ गेआ। इस कार्यक्रम दा आयोजन डोगरी संस्था जम्मू च कीता गेआ। आईआईएम जम्मू दे डरैक्टर प्रो. बी.एस.सहाय होर कार्यक्रम दे मुख् परौहने हे ते उनें प्रो. मगोत्रा होरें गी एह सम्मान भेंट कीता। इस मौके पर कुंवर वियोगी मैमोरियल ट्रस्ट दियां संस्थापक पूनम सिंह जम्वाल, ट्रस्ट दे चेयरमैन गोवर्धन सिंह जम्वाल ते होर केई शख्सियतां मजूद हियां। इस मौके युवा डोगरी लखारी सतीश कुमार ते पवन वर्मा होरें गी कुंवर वियोगी साहित्य पुरस्कार कन्नै सम्मानत कीता गेआ।

<><><><><><>

President

राष्ट्रपति द्रौपदी मुर्मू होरें अल्जीरिया दे अपने एतिहासिक दौरे दरान अज्ज दौनें मुख् बश्कार गैहरे ते बधै करदे सियासी सरबंधै पर लोह पाई। एल्जियर्स च भारतीय समुदाय आस्सेआ उंदे सम्मान च आयोजित कार्यक्रम गी संबोधत करदे होई उनें आखेआ जे भूगोलिक लिहाज कन्नै भाए अस दवै मुख् इक दूए कोला दूर छिंडे पर आं, पर दौनें बश्कार सरबंध अल्जीरिया दी अजादी कोला गै मते नेड़मे रेह न।

राष्ट्रपति त्रुं मुखे दे अपने दौरे वर कल अल्जीरिया पुत्तियां जित्थें उंदा रस्मी तौरा पर निग्गा सुआगत कीता गोआ। द्रौपदी मुर्मू अल्जीरिया दे दोरे पर जाने आलियां पैहली भारतीय राष्ट्रपति न। ब्हाई अड्डे पुज्जने पर उत्थूं दे राष्ट्रपति अबदल मजीद टेब्बाउन होरें आपूं हुंदी अगुवानी कीती। अपने संबोधनै च राष्ट्रपति मुर्मू होरें उत्थें रौहने आले भारतीय समुदाय दे लोकें गी भारत दे विकास च योगदान देने लेई सराहना कीती। द्रौपदी मुर्मू होरें आखेआ जे 140 करोड़ भारतीय दे सांझे जतनें कन्नै अस मेदें ते उच्चिएं आस तांगें दे नमें सफर पर टुरना शुरू होई गेदे आं।

<><><><><><><><>

MoS Science

विज्ञान ते टैक्नालोजी मैहकमे दे केन्द्री राज्यमंत्री डॉ. जितेन्द्र सिंह होरें कल नमीं दिल्ली च जम्मू कश्मीर दे विद्यार्थिं कन्नै गल्लबात कीती। प्रदेश दे तकरीबन 70 विद्यार्थिं सरकार दे भारत दर्शन प्रोग्राम तैह्त राष्ट्री राजधानी दा दौरा कीता ऐ। इंदे चा तकरीबन अददे विद्यार्थी ओकड़े पुलस परोआरें दे न जिंदे सपूतें कारचाइं दरान वीरगति प्राप्त कीती। बैठक दरान डॉ. सिंह होरें विद्यार्थिं गी सलाह दित्ती जे ओह नमिं तकनीकें कन्नै वाकफ बनन, स्टार्ट अप सरबंधी नमें मौके बारे जानन ते समाज दे बक्ख-बक्ख तबकें कन्नै सरबंधत नमिं गतिविधिं बारे बी जानकार बने दे रौहन। उनें बच्चें गी आखेआ जे ओह मुख करियै विज्ञान ते टैक्नालोजी, बायो-कैमिस्टरी, आर्टिफिशल इंटेलीजेस ते अंतरिक्ष टैक्नालोजी पर ध्यान केन्द्रित करन। उनें इब्बी आखेआ जे स्मार्ट फोन दा इस्तेमाल सूचना ते ज्ञान हासल करने लेई कीता जाना लोड़चदा ऐ।

<><><><><><><><>

Speaker Birla

लोकसभा दे स्पीकर ओम बिरला होर अंतर संसदीय संघ आईपीयू दी 149मीं बैठक च भारत दे संसदीय शिष्टमंडल दा नेतृत्व करा करदे न। इस सिलसिले च ओह जंदी रातीं जिनेवा पुज्जी गेदे न। अपनी इक सोशल मीडिया पोस्ट च ओम बिरला होरें आखेआ जे ओह "मते रमानदार, सुरक्षा ते खुशहाल भविक्ख लूई विज्ञान, टेक्नालोजी ते नवाचार दे इस्तेमाल" विषय पर बैठक गी संबोधत करगंन। एह बैठक इस म्हीने दी 17 तरीक तोड़ी चलोग। ओम बिरला अज्ज आईपीयू दी संचालन परिषद दिएं बैठकें च हिस्सा लैंगन ते अज्ज गै जिनेवा च भारतीय मूल दे लोकें कन्नै बी मलाटी ते गल्लबात करगंन। शिष्टमंडल च राज्यसभा दे उपसभापति हरिवंश सिंह, दौनें सदने दे महासचिव ते किश होर सांसद बी शामिल न।

<><><><><><><><>

Dogri Reginent

डोगरी रेजीमेंट दी 3 बटालियन दा 124 स्थापना दिवस कल मनाया गेआ। बटालियन दे 31में कमांडिंग अफसरें ब्रिगेडियर प्रहलाद सिंह(सेवानिवृत्त) होर इस कार्यक्रम दे मुख परौहने हे। कार्यक्रम दी शुरूआत शहीदें गी श्रद्धांजलि देने कन्नै होई। इस मौके पर कैप्टन हरी राम होरें बटालियन दे समृद्ध इतिहास बारे जानकारी दित्ती। बटालियन दी स्थापना 12 अक्टूबर यन 1900 गी जलंधर च कीती गई ही ते इन्ने पैहले विश्व युद्ध उे अलावा 1065 ते 1971 दी जंग च बी योगदान दित्ते दा ऐ।

<><><><><><>

Int'l Conference

संस्कृति ते शिक्षा विभाग दे प्रधान सचिव सुरेश कुमार गुप्ता होरें कला केन्द्र च त्र'ऊं दिनें दी अंतर्राष्ट्री कला प्रदर्शनी ते कार्यशाला दा अज्ज उद्घाटन कीता। कला केन्द्र सोसायटी दे सचिव डाक्टर जावेद राही होरें दस्सेआ जे इस आयोजन राहें मुख्यै दे बक्ख-बक्ख हिस्सें दे 90 कलाकारें दिएं डेढ सौ कलाकृतिएं गी प्रदर्शित कीता जा करदा ऐ। उनें शिक्षा दे खेत्तर च कला दे महत्वै पर लोऽ पाई। प्रधान सचिव गुप्ता होरें ऐलान कीता जे प्रदेश दे कला खेत्तर दे विद्यार्थिं लेई एह प्रदर्शनी मुफ्त होग। नमें चुने गेदे विधायक युद्धवीर सेठी होर इस कार्यक्रमै दे खास परौहने हे। उनें गलाया जे नेय कार्यक्रम मुकामी कलाकारें गी देसै दे होरनें हिस्सें थमां आए दे कलाकारें कन्नै मिलने ते विचार सांझे करने दा अनोखा मौका उपलब्ध करोआंदे न।

<><><><><><>